

تلفون ۱۰۹۷

امور اداره و تحریریه و اعلانات و سائر
ایچون مدیر مسئوله مراجعت ایدملیدر .
عرفای امتک مقالات متصوفانه لرینه
جریده صوفیه نک صحیفه لری آچیتدر .
درج ایدلیان اوراق اعاده ایدلز .

جریده صوفیه

شیمدیلاک هفته ده بر نشر اولنور .

نسخه سی ۵۰ پاره در .

ابونه سی : برسنه لك اعتباریله ممالك عثمانیه
ایچون پشین اوله رق ۵۰ : آلتی آیلنی ۲۵
غروش و ممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

« لامعه » علم و شعور ك امورہ تعلق ایکی وجه اوزرہ اولہ بیایر . بری معلوماتك ظل و صورتك حصولی ایله در شویله كه زید و عمروی كوردكه ذهنكده بر صورت مخصوصه حاصل اولوركه اونلر سنك نزدكده ایشه صورتله ماعدالزندن ممتاز اولورلر . دیگر ذوات معلوماتك حضوری ایله در بوده نفس ، جوع ، شبع ، شهوت ، غضب ، محبت ، عداوت ایله متصف اولدقندن صوكره اونلره تعلق ایدن علم کییدر كه بو علم و وجدانی و ذوقی در . شبه سزدر كه محبت ذاتیهك وجه اول اوزرہ بر ذاتدن ایشتمك یاركتابدن اوقومق ، یا خودكندی فكركه اكلامق طریق ایله قلبه خطوری و قلبك اوكا شعوری مقبول بر صورتده مشر سعادتموجب كرامت دكلدر . بلكه سعادت جاودانی ، كرامت دوجهانی اونده اوله بیلیركه حق سبحانه و تعالی حضرتلری (ان لربكم فی ایام دهر كم نفعات) حكیمجه بر بختیار دولتداره كه مجرد كندی استعداد كلئ اصلیسی و صفاء روحانیت و دوام توجه و افتقار ایله (الافتقر ضوا لها) موجبی اوزرہ متصل نفعات الطاف ربانییه متعرض اولمشدر — تجلیات ذاتی اختصاصی ایله تجلی ایده و اونی كندیلكندن بالكلیه آله و كندی محبت ذاتیسی چاشنیسی اوكا طاندیره و اودانك روحی ده بو واسطه ایله ابتهاج حاصل ایدوب پرتو روحی ، قلبیه انعكاس ایده و قبضی بسطه مبدل اوله و قلب دخی نفسه عكس ایلوب حزن و اندوه همان رحلت وانك برینه فرج و سرور اقامت ایله

« رباعیه »

شب بود ز كر به چشم من ابر بهار برق بدر خشید ز سر منزل یار
درخانه عیشی و طرب افروخت چراغ درخمن آندوه و غم انداخت شرار

اغلامقندن كوزوم کیجه بهار بلوطی كبی ایدی یارك سر منزلدن
بر شمشك پارلادی ده عیش و شادی خانه سنی تنویر ایدوب حزن و كدر
خرمنه شراره برافندی . شو حلاله شیخ ناظمك قدس سره (خطور)
دن مرادی معنای اول اولوب ایکنجی معنی اولوق دخی مأمولدر .
ومن الله الهدایة و علیه المعول

مابعدی وار

مدرس

كمال الدین خرپوتی

مَقْشَلَات

حقائق دینیہ مز ، تحری ایدلم !

معنوی سفالتلر ایچنده یووارلنلر اوقادارده مادی فلاكتلردن
قورتیله مایورلر .

غدا ی روحانی و نصییه معنویه دن محروم اولنلر هیچ شبهه سز
استراحت مادی و جسمانی بی تأمین ایده مزلر .

ملاقاتی اوله جقسکز ! ذره مقداری ایلك ، ذره مقداری فنانق ایشلیانده
ملاقاتی اوله جق !! .

(۳)

اذا رأیت الناس قد مرجت عهدهم وخفت اماناتهم وكانوا هكذا
وشبك بين انامله فالزم بيتك واملك عليك لسانك وخذ ماتعرف ودع
ماتنكر وعليك بخاصة امر نفسك ودع عنك امر العامة .
« روم الحكيم عن ابن عمرو : »

مال عالیسی :

انسانلری عهد و وعدلرینی ایفایتجز اولمش ، قیمت امانات یانلرنده
اعتباردن دوشمش — رسالتآب اللرینك یارمقلرینی بر برینه کچیره رك —
هپسی بویله بر برینه کچمش ، قارمه قاریشیق بر حالد کوردیکك
وقت آرتق نؤونده اوطور ! دلیکی طوت ! کندی نه عائد کوزل
کوردیککی ایشله ! چیرکین کوردیککی براق ! یالکیز کندی ایشك
و کوجکله مشغول اول ! امور عامیه قاریشمه !! . قلعه سلطانیه لی :

علی

فَلَسَفَّ

لوامع دن مابعد

وان خطرت يوماً علی خاطر امرء ، اقامت به الافراح و ارتحل الهم
(خطرت) کوکلدن برشی کچمك معانسه اولان خطر ، و خطور دن
ماضی مؤنندر . (خاطر) قلبه وارد اولان شی معانسه اولوب اوندن
بورده ذکر الحال و اراده الحل مجاز قیلندن اولوق اوزرہ قلب مراد اولمشدر .
(به) ده کی باء فی ، معانسه در ضمیر مجرور خاطره راجعدر یا خود باه
سبیه اوله رق ضمیر مذکور ، خطرت ، فعلندن منفهم اولان خطوره
راجع اولور .

بیور بیور كه اكر بركون اوبادهك یادی بر جواتمرد آزادهك
ساحة خاطرینه خطور ایتسه ایدی او حرمد مجاور بولنان حزن و الم
كوس رحلتی اورور و اوساحده مسافر اولان شادی و راحت ،
همان قصد اقامت ایدردی .

« رباعیه »

ازباده عشق غصه بر باد شود ویران شده حادثه آباد شود
بر خاطر غمگین گذر شاد شود ذاندوه و غم زمانه آزاد شود

باده عشق تأثیریه کدرلر بر باد و حادثات دهر ایله ویران اولمش
یرلر آباد اولور و خاطرندن مص و رباد کچمش اولان غمغلی برادم
دخی مطلقا زمانهك غم و همندن آزاد اولور .

دینک اولیورکه معنوی قوتلر صفه منجر اولدینی وقتده مادی فلاکتلر باش کوستریور .

جهالت حسزلك : معنوی سفالت ، غداي معنوی ایسه علم و عرفان اخلاق فاضله در .

بویله جهالتك زبونی اولوبده محكوم زوال اولانلر ارشادات ووصایای لازمه یی قبول ایله دائرة حقیقه محیط عرفانه ارجاع ایدیلده بیلورلر بزه حقیقی مرشدلر جسدی اویاندیر یحییر لازم چونکه افکار متنوعه یی اصلاح وارشاد اقتضا ایدیور بونی آچیق سویلیورم !! مدینت کامله حقیقه نك نشری ایچون هر درلو اسباب ووسائلی احضار وحقایق دینی یی دقائق شرعی یی هر کسه اوکرتك مشکل بروظیفه اولسه کرکدر !!

هیچ شبهه سز متفکرین اسلامیه بوجهتلری دهها واسعه هاشمولای ملاحظه ایدرلر نتیجه ده تأسفدن بشقه برشی کورمیورم . وصایای حکیمانه وارشادات عادلانه یی حقیقه تلقین ایده جك واعظلر لازم فقط هیات اچیقه سویلیه حکم که بزه نه متفکرین نه ده حقیقی واعظلر قالمشدر .

بزه شهرت کاذبه ایله طانیدیفمز فضلامی یوق، النی کوربرسه مرتکظن ایدر محرر شهرمی یوق، معلومات فروش بیلمدیکی بیلمز داهی می یوق خایر خایر بونلرک هبسی موجود فقط بزه بزم بونلرک بزم گرفتار اولدیفمز مرض دینی و اخلاقیك اسباب وعوامانی اکلاویه بیله جك بو حاللره گرفتار ایدن سبیلری برر برر تفریق ایدوب میدان قویه جق مشوم نتیجه لر یی کوستره جك ذاتلر لازم . بزم بعض اوافق تفك نقطه لره عقم ایرییور . فقط بلکه اوده نفس الامر موافق دکدر ! بوجهتلری هر حالده سویله مک ایسترم بویله حقیقی سویلنلرک عددی چوغالورسه بعض حقایق میدان ثبوت واری !!

بزه فلسفه اسلامیه یی حقیقه تدریس ایدیه بیله جك حقیقی مقتدر معلملر لازم . اوغربك چاتلاق، باطلاق حکمیات هذیان الودینی تفریق ایدوب اتالم بونی بیلمیور ایسه که اهلنه صورالم ، حقیقی میدان وضع ایدم ، حد اولسون بو محیطده هرشی موجود !

قوة معنویه ایله اساسات تحصیلیه توأمدر . قوۀ دماغیه سی معلول اولانلردن نقصاندن بشقه برشی ظهور ایتمز ، بو حقیقی کوریور بزماتك جهالت پرده سی رتئز ایسه قصور محیطك در . بزحیات مستقبله ملیه می قورتاره بیلیمك ایچون مجدد دین اولان ذاتلره احتیاج جز وارددر . خطا و غجز و مسکنت می اعتراف ایدم ، ابتداء حصولی چاره لرینه باقم ، عظمت فروشانه وفسطه پردازانه مطالعات و تمهیدات ایله اصرار وقت ایدر ایسه که هیچ بروقت ماضیمزك شعله سنی کوستره می یز غایه مقصده هدفه طوغری کیدایر ایکن هر حالده متین خطوه لر ایله یوریمك ایجاب ایدر . بزه موجودیت ملیه می کیرن بر در داجتماعی وار جهالت بیلنلر بیلیمانلره سرفروایتیور بالطبع بیلیمانلر بیلنلره حسن نظرله باقیور . خلاصه برکشمکش در دوام ایدیور فقط نتیجه

نهیه منجر اولیور ایشته حقیقت میدانده طورییور .

بوسوزلری بتون ارباب حقیقت اعتراف ایدر ظن ایدرم .

همیز بوندن حصه مند اولیور حصه مأیوسیه اشتراك ایدیور نسل مستقبله می قورتارمق ایچون برعزم مردانه ایله چالشمق لازمدر . اولنره بر فیض حیات و بر دم هر عقله کئی سویله مکدن هر کوزلجه اکلاویه مدیفمز ، مطبوعات ستونلرینه کچرمکدن ممکن اولدینی قدر توق ایدم بر معشر مدنیه حالنده یاشایان اجتماعی بر هیئت فاضله نك دکل بر قاج شخص معینه دن متشکل محدود بر کتله بشرک بیله بر عمده اسنادی بر محور بقای و ار در که اولنری مهالك انقسام و تشددن مخاوف سقوطدن وقایه ایله رصین مستحکم بر مجموعه مایه حالنده کوسترر . فقط بیلیمانلرک بیلنلرک اطرافنده طوبیلامی اساس شروط اجتماع عیدندر قضیه بر عکس اولورسه او هیئت اجتماعی نك بقای تصور ایدیه میز ! اوت بر هیئت کلیه بشریه یی نقطه وحدتده طوبیایان جاذبه عالیه قوۀ فائز دنیان معنویت دین و اخلاق کئی شیردر که برینك نقصان وزوالیه دیکریده سقوط و انحلاله محکوم اولور . برینك تکمیلده دیکریده ارتقا و اعتلا ایدر .

ضعف اخلاق ، فساد اجتماعی دنیان ایکی داهیۀ مصیبت و ار در که بونلر محور بقا اولان معنویاتی سیلمکه قوۀ اجتماعی نك اساساتی تخریب ایدر . بو حقیقی پک رعنا صورتده اکلامه میز ایجاب ایدر . حقایق اسلامیه می غریبدن نقله مشغول اولدیفمز مباحثات فاسده قضایای واهییه ایله اخلاق و تشویش ایتمه یلم !!

فضائل قومیه می غنعات ملیه میز نیسان ایله اعتیادات و تلقینات فاسده نك امتزاجدن متحصل بر اخلو طۀ اضداد وجوده کثیر رایسه ک فضائل اساسیه اخلاقیه میز تکمل ایندیره میه رك و بر ضلالت حس و اخلاق ارا سنده قاهره ک صکره مهلك بر عاقبت خسران فزوده محکوم اولور . ملیتمزه خاص اولان اوصاف ممتازه یی بر طاقم فاسد جاهلانه کوره نکدرله باطل تقلیدلره تغلیط و فساد ایدر ایسه ک ملیت اساسیه می بوزولور تفسخ اخلاق یوز کوسترر !

ایشته بوقره جهالت بزه مدینت و عرفانی کوسترمز و کوسترمز اووقت چوبلك قارغه لر می میدان المنه باشلار بر هرچ و مرج عمومیدر کیدر !

اخلاق مز ، سحیه اصلیه ملیه مزه عارض اولان مفاسد فاحشه یه ادبار ایدره حقایق اسلامیه مزك کوستردیکی نزاهت و صلاح دائره مند حرکت موجب نجاه اولدینی کوستر مشلدر اساسات اجتماعی یی وضع ایتمك ایچون بشرینك فلسفه تکاملی حقیقه تبع ایدیه جك اولورسه تهذیب اخلاق خصوصنده یالکز قواعد شرع شربنی و اساسات احکام دینه می بولور !! حقایق دینه میز تبع ایدن ارباب عرفان و کمال بو حقیقی قبول ایتمشدر .

فقط بو حقیقی نفس پرستلک رینك تأثیر تخریبکاری سیله معنویاتی بر باد اولمش اشخاص مفسده و مضره آکلا یماز .

شریعت اسلامیہ تک حقایق علویہ سنی معالی شناسان عالم تسلیم ایدر اسرار عالیہ شریعت و احکام قدسیہ طریقی مذلقہ مذلت و سفالتدہ پویان اولان کروہ ضالہ ذوق ایدہ مز او منافقارک صاحبی ایستہ دکری فقرات مخربہ هیچ شہسز کندی محیطلری تجاوز ایدہ مز قسماً اورادہ دہ جای قبول کورہ مز . بوحالک بویہ دوامی البتہ مهم البتہ بادئ تأثر و تأسفسدر . بوسوزلری نظر دقتدن دور طومتقدہ جدأ فنادر .

بونلرک مضرات مادیه و معنویہ لرینہ برخط مانع چکمامک بک فنا نتیجہ لر تولید ایدر .

محیطمزدہ حقایق اسلامیہ بی تخریب صدندندہ بالا پروزانہ حرکتنلر ذیلانہ حاللر کوریلورسہ هیچ شہسز بادئ مأیوسیتمز اولہ جقدر . ہر خصوصہ مایتمزہ خاص اولان الوصاف عالیہ بی کوسترمک ایچون اساسات اعتقادیه مز قارشدرلمق ارزو ایدیان مفاسدی برریرر تعداد ایتدم و ایدہ حکم . ! .

مقدسات اعتقادیه و وجدانیہ مز مفاسددن معرا معتقدات باطلہ دن بریدر . بزم ہیئت کلیہ اجتماعیہ مز هوا پرست محررلرک ارشادیہ محتاج دکلدلر .

عفو ناپذیر معصیت ایشلیورلر . اونلر همان توبہ ایدوب حقیقی کورسونلر محیطمزدک آداب و مقدساتہ رعایت ایتسونلر . ! . کف و هوساتمزدک نتیجہ سوقیاتی بزى حقایق اسلامیہ دن انحراف ایتدیرماملی ! بوحاللر انتظام عمومی مات اوزرنندہ سکتہ لر، توقفلر حاصل ایدر بویولہ کی اخلاقسزلق او محیط اجتماعینک باشایجہ سائق اضمحلال و خرابیسی اولور .

انس و جن امریکہ رام اولسہ سلیمان مانند

جملہ درنی بخش ایتسہ سکا قلزم ہفت

کیرسہ ہر لحظہ دہ کنجینہ کہ مال قارون

باشاغک پوللری در اولسہ لباسک زر بفت

صاقین الدائمہ غرور ایتہ بقاسی یوقدر

یوفنا ملکیتدر ہرنہ کہ وار آمد و رفت

مثنویخوان

عنایت

سویلش ایدک کافر بالله کافر بالدين «نصوص قرآنیہ و احکام شرعیہ نک شعولی دائرہ سندہ مثبت و منفی اوامر دینیہ نک ہرہانکیسنی انکار ایدنلر» اکبر کذا بین اولدینگی کی انکارسز و فقط ایفادہ تکاسل کوسترنلر درجہ درجہ جناب حقہ و دین مینہ قارشو یالانجیدرلر . مثلاً نمازی ترک ایتک و عذر شرعیسز اوروج ییک و نصاب شرعیہ مالک ایکن زکات و یرمامک و حجہ کیتمامک حالاً و فعلاً یالانجیقادر اہلنک امر بالمعروف و نہی عن المنکری اوج مرتبہ دن زیلہ ایفا ایتامسی اللہہ و دینہ و عالم بشریتہ قارشو یالانجیانی انتاج ایتدیکندہ شہہ یوقدر . چونکہ «الدين النصيحة الدين النصيحة . الخ» بیورلمش اولدینگی بیلدیکی و کندوسنی صاحب دیانت طاسیدینی حالہ مقتضای دیانتی ایفا ایتامک یالانجیاقی دکلدہ نہدر ؟ شارب خر و زانی یالانجیدر . چونکہ جناب حقل انسانہ نعمت جلیلہ سی اولان عقلمک و نسبک محافظہ سی اہم والزم و وظائفدن و آنلرک «ولو موقناً اولسون» ضیاع و تعطیلی فساد عظیمی و موجب ایکن حکم وجدانیکن خلاقی ارتکاب ایتک یالانجیقادر .

قاتل و سارق یالانجیدر . زیرا جناب حکیم مطلق حضرتلری انسانی صورتدہ احسن تقویم اوزرہ خاق بیوروب سیرتدہ قوہ ممیزہ ایلہ شہوت و غضبی عفت و شجاعتہ تبدیل ایتک استعدادینی احسان ایتش و بونلردن حصولہ کلان عدالتی انجیق انسانہ تخصیص بیورمش و بقا و نظام عالمی عدالتک دوام و تماریسہ وابستہ قیامش اولدینگی بالذات عقل ایلہ و بالواسطہ پیغمبر ایلہ بیلدیرمش ایکن طریق علم و رشدی ترک ایدرک نفس و هواسنک امر ایتدیکی ظلمی بالارتکاب عدالتی ترک ایتمی و کوروندیکی صورت بشریہ نک خلافتہ اولہرق سیرت بہیمہ و عادت سباعانیہ ایفا ایسی حالاً و فعلاً حقہ ، دینہ ، بشریتہ قارشو پک بیوک یالانجیقادر . یالانجی فتنہ انکیزدر . بناءً علیہ ملعوندر چونکہ ہریالان رتبہ سنہ کورہ برفتنی اوایندرمغہ سبدر شو «الفتنة نائمة لعن الله من ايقظها» حدیث شریفی منطوقہ جہ لعنت الہیہ مستحقدر . یالانجی حائن الوہیت ، حائن دیانت حائن بشریتدر .

حائن الوہیتدر : چونکہ محض خبر اولہرق طرف الوہیتدن کندوسنہ احسان بیوریلان و قوہ نطقیہ سنی حقل مرضیسی خلافتہ و مخلوقات الہیہ نک ضررنہ و بناءً علیہ شرہ صرف ایدیور .

حائن دیانتدر : چونکہ دین مبین اسلامک احکام متذہسنہ مغایر اولہرق وقوعبولان حرکتیہ یار و اغیارہ قارشو دین جلیلہ برلکہ کتورملک جرمی ارتکاب ایدیور .

حائن بشریتدر : چونکہ سوبادیکی یالان یا بالذات و یا بالواسطہ افراد و یا جمعیت بشریہ نک جزئی و یا کلی حقوقی اخلال و ابطال ایتکدن بشقہ بر شی دکلدلر .

والحاصل اخلاق ذمیمہ نک هیچ بریدی یالانجیقادر قدر شعولی اولہ مز نجہ اخلاق رذیلہ نک کوجوکی بیوکی اولہ مز سہدہ یالانجیقادر

یالانجیاقی برعار عظیم و خلق لثیمدر

دینی و دنیوی ، مادی و معنوی اخلاق ذمیمہ نک کافہ سی حالاً ، فعلاً ، قولاً یالانجیقندن برر شعبہ سی اولمقدن بشقہ برشی دکلدلر . اکبر کبار اولان کفرک عین کذب اولدینگی بوندن اولکی مقالہ دہ